



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04) i člana 5. Odluke o finansiranju/sufinansiranju članarina u sportskim klubovima djece i mladih sa područja Općine Centar Sarajevo („Službene novine Kantona Sarajevo“, broj: 19/23) Općinski načelnik upućuje

JAVNI POZIV

za dodjelu sredstava iz granta za finansiranje/sufinansiranje članarina u sportskim klubovima djece i mladih sa područja općine Centar Sarajevo

1. PRAVO NA DODJELU SREDSTAVA MOŽE OSTVARITI:

- (1) Pojedinaц koji aktivno učestvuje u organizovanim sportskim aktivnostima uz ispunjavanje sljedećih uslova:
- a) da ima prebivalište na području općine Centar Sarajevo u trajanju od najmanje godinu dana do dana podnošenja zahtjeva;
 - b) da je starosne dobi od 7 do 15 godina;
 - c) da je aktivan član sportskog kluba;
 - d) da ukupna primanja domaćinstva ne prelaze iznos od 1.200,00 KM.
- (2) Pravo na dodjelu sredstava mogu ostvariti pojedinci koji žive u porodicama sa 3 ili više djece, a koji ispunjavaju uslove navedene u stavu (1) tačka a), b) i c).

2. NAČIN DODJELE NOVČANIH SREDSTAVA

Novčana sredstva za finansiranje/sufinansiranje članarina u sportskim klubovima djece i mladih sa područja općine Centar Sarajevo dodijeljivat će se na način da će korisnik sredstava ili njegov roditelj/staratelj zaključiti Ugovor sa Općinom po osnovu kojeg će ostvariti pravo na isplatu sredstva do kraja tekuće godine.

Sredstva će se isplaćivati najviše u visini tri mjesečne članarine, nakon čega je korisnik sredstava dužan Službi dostaviti dokaz o namjenskom utrošku sredstava kao uslov za nastavak finansiranja/sufinansiranja članarine.

Namjenski utrošak sredstava podrazumjeva dostavljanje potvrde sportskog kluba o redovnom i aktivnom učešću u trenažnim procesima, te dokaz o uplati sredstava za mjesečnu članarinu.

Maksimalan iznos članarine koji će Općina sufinansirati na nivou jednog mjeseca iznositi će 80,00 KM. Mjesečne članarine manje od 80,00 KM Općina će finansirati u cijelosti.

3. POTREBNA DOKUMENTACIJA

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

- a) Uvjerenje o kretanju pojedinca koji je aktivni član sportskog kluba (ne starija od 6 mjeseci);
- b) potvrda kluba da je pojedinac aktivan član kluba sa navedenim iznosom mjesečne članarine;
- c) kućna lista o broju članova zajedničkog domaćinstva;
- d) dokaz o mjesečnim primanjima članova domaćinstva (platna lista ili potvrda o visini plate za posljednji mjesec – ukoliko su članovi zaposleni, ček od penzije – ukoliko je roditelj/staratelj penzioner, potvrda o nezaposlenosti dostavljena od strane Zavoda za zapošljavanje ili Uvjerenje da lice nije upisano u evidenciji FZ PIO/MIO - u slučaju da nije na evidenciji Zavoda za zapošljavanje;
- e) potvrda od banke o otvorenom računu podnosioca zahtjeva.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport elektronskim putem mail adrese sport@centar.ba ili putem protokola Općine Centar Sarajevo, ulica Mis Irbina br.1.

Za sve dodatne informacije zainteresovana lica mogu pozvati broj telefona 033/562-360.

Javni poziv će biti otvoren do utroška raspoloživih budžetskih sredstava za ovu namjenu.

NAPOMENA: *Prijave aplikanta koji su koristili sredstva iz ovog granta u 2022. godini, a nisu dostavili izvještaje sa relevantnom finansijskom dokumentacijom o namjenskom utrošku sredstava, neće biti uzete u razmatranje.*